



Uunga

Inatsisartunut ilaasortaq, Ruth Heilmann

## Inatsisartut suleriaasianni § 37 naapertorlugu innarluutilinnut tunngasuni sullissineq pillugu Naalakkersuisunut apeqquummut akissut

Asasara Ruth Heilmann,

Apeqquummut innarluutilinnut tunngasuni suliniummut pingaarutilerujussuarmut tunngasumut qjanaq.

Aallaqqaammut erseqqissaatigineqassaaq, innaluutilinnik sullissinnermi innarluutilit najugaqarfigisaanni sapinngisamik sullinneqarnissaat Naalakkersuisut anguniagarimmasuk. Taamaattumik kommunit najukkami annertuumik suliassaqarput.

Nuna tamakkerlugu eqqarsaatigigaanni, assigisaanik sapinngisamik pitsaanerpaamik assigisaanik sullissisoqassaaq. Tamanna IPIS, Innarluutilit Pillugit Ilisimasaqarfik Siunnersuisarfiutigisoq, kiisalu annertuumik innarluutilinnut ulloq unnuarlu paaqqinniffiit nunamut tamarmut atuuttut, Tasiilami, Qaqortumi, Paamiuni, Nuummi, Sisimiuni, Ilulissanilu inissisimasut aqquutigalugit taamatut maannamut sullissisoqarpoq.

Meeqqat inuusuttullu innarluutilit imminnut ikiornerusinnaanerat inuunerisalu annertunerusumik pitsaassuseqalernissaat siuarsarniarlugu, maanna nunamut tamarmut atuutumik sullissineq annertusineqassaaq, sungiusarfimmik Sisimiuni tunngaveqartussamik pilersitsinikkut, pineqartumili sammisaqartitsinerit najukkani annertuumik ingerlanneqarsinnaassallutik.

**Apeqquut 1. Ilaqutariinnermut Inatsisinullu atortitsinnermut Naalakkersuisup, ataasinngormat Katuami Naalakkersuisooqatigiit innuttaasunik ataatsimiititsineranni, innarluutilit pillugit suliniuteqarnini suliniutaasullu annertuut Sisimiuniinnaq tamarmik pilersinneqartussat annertooujussuusut oqaatigai. Soorlu aamma IPIS-ip Innarluutilit Pillugit Ilisimasaqarfik Siunnersuisarfiutigisup, ukiuni arlalinni illoqarfiup pingaarnersaani Nuummi Namminersorlutik Oqartussanit ineriartortinneqarsimasup, aamma Sisimiunut nuunneqarnissaa oqaatigigaa. Suliat taamaattut taamaallaat Naalakkersuisutigoortumik suliarineqarsimanerpat?**

Innarluutilinnut sungiusartarfimmik piviusunngortitsineq "nuna tamakkerlugu Kalaallit Nunaanni meeqqanut inersimasunullu innarluutilinnut sungiusaavimmik piginnaangorsaasarfimmillu, Innarluutilit Pillugit Ilisimasaqarfik Siunnersuisarfiutigisoq" pilersitsineq pillugu Isumaginninnermi aqqissuusseqqinnermut ataatsimiititaliamit 1997-imi kaammattuutit naammassineqarnerisa immikkoortuisa kingullersaraat. Immikkoortoq siulleq 2009-mi IPIS-imik, tassa Innarluutilit Pillugit Ilisimasaqarfik Siunnersuisarfiutigisumik pilersitsinikkut naammassineqarpoq, takuuk Aningaasanut Inatsimmi konto pingaarneq 30.13.43. Naalakkersuisut AI 2014-imi ukiunilu missingersuusiorfiusuni sun-

07. april 2014  
Suliap normua. 2014-098082  
All. Normua. 1533567

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

giusaasarfimmut IPIS-ip ilaaffigisassaanut aningaasanik immikkoortitsipput. Taamaalil-luni nuna tamakkerlugu ilisimasaqarfimmik siunnersuisarfiutigisumik sungiusaasarfim-millu, innarluutilinnut sullissivimmik pilersitsisoqarpoq. Innarluutilinnut sullissiviliorneq ineriartortitsinerlu Ineqarnermut Naalackersuisoqarfiup aamma Ilaqutariinnermut Inatsi-sinillu Atuutsitsinermut Naalackersuisoqarfiup suleqatigiissutigaat. IPIS innarluutilinnut sullissivimmut akuutinneqassaaq.

Ineqarnermut Naalackersuisoqarfik aamma Ilaqutariinnermut Inatsisinillu Atuutsitsiner-mut Naalackersuisoqarfik 2014-imi januaarimi workshopertitsivoq, Peqqissutsimut Naalackersuisoqarfimmit, Ulloq Unnuarlu Paaqqinniffimmit Gertrud Rask Mindemit, Ulloq Unnuarlu Paaqqinniffimmit Ivaqqamit, Ulloq Unnuarlu Paaqqinniffimmit Uuliner-mit, Qeqqata Kommunianit, timikkut sungiusaasumit namminersortumit IPIS-imiillu peqataaffigineqartumik. Innarluutilinnut sullissivimmik ineriartortitsinermut pilersaarusi-ormermullu piukkunnarnerpaamik aallaaveqarnissaq qularnaarniarlugu workshoppertits-isoqarpoq. Tamatuma kingorna Ineqarnermut Naalackersuisoqarfimmit, Ilaqutariinner-mut Inatsisinillu Atuutsitsinermut Naalackersuisoqarfimmit, IPIS-imit KANUKOKA-miillu peqataatitaqarfiusumik aqutsisoqatigiinnik pilersitsisoqarpoq. Aammattaaq soqutiginnit-tut attuumassutillit peqataaffigisaannik suleqatigiissitaliortoqassaaq innarluutilinnut sul-lissivimmut suliatigut siunnersuusiortartussanik, tamatumani aamma so-qutigisaqatigiiffiit ilaatinneqassapput. Tamanna pissaaq susassaartut attuumassutillit tamarmik ilaatinneqarlutillu tusarniarneqartarnissaat qularnaarniarlugu, kiisalu innar-luutilinnut sullissivimmut suliatigut qaffasissumik takutitsinissaq qularnaarniarlugu.

**Apeqquut 2. Pilersaarutaasut pillugit Ilaqutariinnermut ataatsimiititaliaq imaluunniit Aningaasaqarnermut ataatsimiititaliaq ilisimatineqarsimava?**

Apeqquummut 1-imut akissut innersuussutigineqarpoq, tassami 2014-imut Aningaasanut Inatsit taamaattumillu aamma sungiusaasarfik Inatsisartunit akuersissutigineqareemat. Taamatuttaaq oktobarip ulluisa sisamaanni Ilaqutariinnermut Peqqissutsimullu Ataatsi-miititaliamik ilisimatitsilluni oqaloqatiginnillunilu ataatsimeeqateqarneq pillugu ilisimatits-isoqarpoq. 2013.

**Apeqquut 3. Taamaattoqarsimappat qanga ataatsimiititaliaq ilisimatineqarpa?**

Apeqquummut 1-imut aamma 2-mut akissutit innersuunneqarput.

**Apeqquut 4. Qeqqata kommuniani kommunalbestyrelsimi ilaasortat aamma Maniitsumeersunit arlalinnit ilaasortaaffigineqartoq qanormitaava saqqummiiffigineqarsimava?**

**Apeqquut 5. Naalackersuisumit ataatsimeeqatigineqarsimanerlutik?**

Al 2014-ip akuerineqarnerata kingorna Naalackersuisup Qeqqata Kommunian 2013-imi novembarimi ataatsimeeqatigaa. Ataatsimiinneq innarluutilinnut tunngasuni pilersaarutit, pingaartumik innarluutilinnut sullissivik pillugit ilisimatitseqatigiiffiuvoq. Ataatsimiinnermi ilaatigut taamani kommunalbestyrelsimut ilaasortaasoq Alfred Olsen peqataavoq. Innar-luutilinnut sullissiviup toqqavissaa pillugu kommunimut pilersaarummut tapiliussaq tamanut tusarniaassutigineqarsimavoq Qeqqatalu Kommuniata arlaleriarluni sulinium-mut suleqatiginnikkususseqarnini oqaatigisimavaa.

**Apeqquut 6. Naalackersuisooqatigiinni anguniagaavoq sineriammut suliffeqarfinnik siammarsaanissaq, ukiuni kingullerni illoqarfiit missukutaasimasut qaffassarneqarnissaat eqqarsaatigineqarlutik. Naak, tamanna malinneqarniannginnerami?**

Aningaasaliinerit piginnaasanillu ineriartortitsinerup nunatsinni tamarmiusumi siammarneqarnerisa inuiaqatigiinnut iluaqutaanissaa eqqarsaatigalugu, kiisalu Qeqqata Kommuniata kommunimi innarluutilinnik isumaginninnermik ineriartortitsileruttornera annertusaaleruttorneralu eqqarsaatigalugit sullissiviup Sisimiunut inissinneqarnissaa toqarneqarsimavoq. Taamaalilluni kommunimi suliniutit, kiisalu nuna tamakkerlugu innarluutilinnut sullissivimmi suliniutit akornanni pitsaasumik sunniivigeqatigiittoqarsinnaavoq.

**Apeqquut 7. Taavami ukiuni kingullerni illoqarfiit nunaqarfillu sinerissamiittut ineriartornissaannik missukutaasimangaartut Naalackersuisunit sunik allanik pilersitsivigissallugit eqqarsaatersuuteqarfigaasigit? Nutaanik suliniuteqartoqassava?**

Innarluutilinnut sullissivik nuna tamakkerlugu suliniutaavoq ingerlatat sullissivimmi, aammali sineriammi najukkani Nuummilu innarluutillit najugaqarfigisaanni suliffigisaanilu, kiisalu najukkami ilisimasaqarfiusariaqarfiusuni pisassallutik. Innarluutilinnut sullissivimmi siunertaasoq tassaavoq innuttaasut innarluutillit nammineersinnaanerunissaasa pitsaanagerusumillu inuuneqalernissaasa, kiisalu meeqqat inuusuttullu inuunermi periarfisaqarnerunissaasa qularnaarneqarnissaat, siusissukkut suliatigullu eqqortumik suliniartoqarnera pissutigalugu, najukkami innuttaasup najugaqarfigisaani, suliffigisaani inuuffigisaanilu. Tamatuma saniatigut innarluutilinnut sullissivik pineqartumi kommuninut aningaasartuutikillisaataassaaq. Taamaattumik innarluutilinnut sullissivik sulinermigut nuna tamakkerlugu ilisimasaqarfiussaaq siunnersuiviulluni sungiusaaviullunilu.

Inussiarnersumik inuulluaqqusillunga  
Med venlig hilsen

Martha Lund Olsen